



Siverth K. Heilmann

UKA 2022/174

Atassut

23. November 2022

**Qanoq iliorluta kulturitoqarput aallaavigalugu tamat oqartussaaqataanerannik sanarfinnitsinni innuttaasut peqataatinneqarnerat sunniuteqaqataanerallu pitsaanerpaamik qulakkeersinnaaneripput pillugu apeqquteqaat aallaavigalugu oqallinnissamik siunnersuut.**

(Inatsisartunut ilaasortaq Mariane Paviasen, Inuit Ataqtigiit)

Siullermik apeqquteqaat aallaavigalugu oqallisissiaqartumut qujanaq, imatullu Atassummiit naatsumik oqaaseqarfigissavarput.

Qulequtarineqartumut atatillugu, innuttaasut peqataatinneqarnerat sunniuteqaqataanerallu qanoq pitsaanerpaamik qulakkeersinnaaneripput pillugu naatsumik akissagaanni oqaatigisariaqarpara, sumilluunniit politikikkut allannguiniarluni anguniagaqaraanni, innuttaasut malinnaatissallugit annertusisamillu tusarniaanissanut pisussaaffeqarpugut.

aatsitassanut oqartussaaffik 2010-mi angerlaassimanera assullu tulluusimaarutaasimanera kiisalu angerlaassisimaneq sunniutaarussimasoq naak danskit naalackersuisuinik kingullermik 2013-mi naqissuserneqaraluartoq.

Inuit pisinnaatitaaffii annikilliarternersut, oqartussaaffiit angerlaassorneri nungukkiarternersut, kikkulluunniit Naalackersuisutut issianeri apeqqutaallutik pingaartitsineq nunarput ingerlaaseqarniarnersoq, taamaassimassappallu assut ernumanartoqarnerarlugu.

Akissutissaq nalorninanngilaq, tassalu inatsisartuni Naalackersuisuni aammalu kommunalbestyrel-sine qinikkat amerlanerussuteqarneq aallaavigalugit, aalajangiisinnaatitaaneq pisinnaatitaaffiusoq avaqqussinnaangisarput qinikkat taarserartuallugit oqaasinnaarput naatsoq tassaavoq, tassa politikki tamaappoq.

Atassummiit politikikkut oqaasinnaaraarput, politikikkut aalajangigassani ajornangippat isumaqatigiissinnaaneq tamakkiisoq anguniartuartariaqaripput, tamattali assigiinngitsumik isumaqatigiissinnaaneq ajornerput ataqqiinnartariaqartarparput, amerlanerussuteqartullu aalajangernerat pisinnaatitaaffigimmassullu akueriinnartariartarparput.

Pitsaaqutit ajoqutaasinnaasullu pillugit naaperiaassuterpassuaqartarnerput Atassummiit ukiorpassuarni ilisimaneqaatigaarput, taamaattumillu aamma isummersuutigisartakkatsinnut partiinit allaniit paasineqariartornerput qanilliarterneqarnerpullu ilisarnaatigilersimasatta ilagiinnaapaat.

Naggataagut Atassut sinnerlugu oqaatigiinnarusuppara, oqallisissiaqartup isummesuutini nammineq inatsisartuni ilaasortatut qanoq isummersorsinnaanini inatsisartoqatiminullu apeqquteqarfigissalluta pisinnaatitaaffigimmagu ataqqivarput, taamaattorli apeqquterpaalussuit ilaat toqqaannaq akinagit, taamatut eqikkaalluta saqqummiussaq isummerfigaarput.

Qujanaq.